

PEMULIH: RM18 juta sebagai tambahan perkhidmatan bank bergerak
Astro Awani
28 Jun 2021
Nickyson Nyambar

KUALA LUMPUR: Kerajaan akan memperuntukkan dana berjumlah RM18 juta buat bank tempatan dalam menyediakan kira-kira 30 unit bank bergerak.

Menurut Perdana Menteri, Tan Sri Muhyiddin Yassin, perkhidmatan yang disediakan itu akan merangkumi 250 kawasan dan mukim di luar bandar di Sabah, Sarawak dan Semenanjung Malaysia.

"Melalui inisiatif ini, rakyat boleh mengakses pelbagai perkhidmatan perbankan termasuk pembukaan akaun, penyimpanan, pengeluaran dan pemindahan wang, pembayaran bil serta perbankan digital," katanya dalam pengumuman Pakej Perlindungan Rakyat dan Pemulihan Ekonomi (PEMULIH) hari ini.

Malah, ujar beliau, perkhidmatan itu juga telah dilancarkan di Sarawak pada bulan ini.

Manakala di Sabah, perkhidmatan berkenaan akan bermula pada Julai nanti di bawah seliaan Bank Simpanan Nasional (BSN).

© 2021 Astro AWANI Network Sdn. Bhd. (535275-D) All Rights Reserved.
Source: <https://www.astroawani.com/berita-malaysia/pemulih-rm18-juta-sebagai-tambahan-perkhidmatan-bank-bergerak-305555>